

Vågå Historielag: Årsmelding 2018

Arrangement

Historielaget har hatt fleire foredrag / kveldsseto i Jutulheimen. Steinar Moldal heldt foredrag om det å lafte. Ole Kristian Ødegård lanserte si nye bok om Jo Gjende, og ein annan kveld tok han for seg historia om fedrifter frå Jotunheimen til Kristiania. Syver Berge fortalde om si tid i politikken, og det vart også ein gjennomgang av alle stortingsmenn frå Vågå. Historielaget arrangerte lansering av Årbok for Gudbrandsdalen der Jakup Skjedsvoll prata om opphavet til allmenningane og Ola Grøslund om Vinje. Mette Vårdal og Ivar Teigum presenterte doktoravhandlinga til Mette Vårdal med særleg fokus på arkivet etter husmannen Bersvein Hansen. Vegard Veierød tok for seg Paul Kleiven og livet på Kleivsetra, medan Hans Sandviken prata om utviklinga frå sist på 1800-talet. Også dette året var det fotokveld med framvising av gamle bilder.

Historielaget har hatt fleire arrangement utanom Jutulheimen også. Kvalfangarar frå Lalm var tema på kveldsseto på Lalm samfunnshus. Det var omvisning i kyrkja ved Martin Kleiven, og turar til Tronhus og Hindsæter der vertsskapet viste rundt og fortalde historia.

Jutulheimen

Det er Gudbrandsdalsmusea as som står for drifta av Jutulheimen. Vågå Historielag er aksjeeigar i Gudbrandsdalsmusea as og er aktivt med i planleggjing og drøfting av vedlikehald, drift og utstillingar. Historielaget har fått samlinga av folkemusikkinstrument etter Leif Løchen og delar av denne er utstilt i Jutulheimen. Gudbrandsdalsmusea har dette året flytta inn i nyoppussa kommunale kontorlokaler i kjellaren på låven i Ullinsvin.

Prestgarden

Delar av hovudbygningen er utleigd til husflidslaget som har stor aktivitet der. Det har i året vore vedlikehald av kjellaren og kjøkkenet i paktarbustaden, huset har vore brukt noko ved fleire arrangement. Låven, fjøset og studeren har også vore brukt ved utstillingar. Bakaromnen i eldhuset er teke i bruk. Bokhandeln kafe har drivi Cafe Edvard og hatt konsertar. Kommunen har prosjektleiar for å få til aktivitet i prestgarden, historielaget har delteke i utviklingsarbeidet.

Prestgardshågein

Hagegruppa i historielaget er organisert slik at ansvar for stell, lusing, vatning mm. er fordelt for kvar veke. Også plenklipping samt raking og rydding både i hagen og på tunet er utført på dugnad. Det har vore omvisning av mange grupper denne sommaren. Unn og Birger Bostad har stått i spissen for hagegruppa i fleire år, nå har Kari Hølmo Holen (leiar), Magnhild Råstad og Livø Hosar overteke leiinga.

Ullinsvin AS

Det heileigde selskapet Ullinsvin AS står for utbygging og eigarskap av nybygg i prestgarden. Kjellaren skal huse museumsmagasin og arkiv, og råbygget der er ferdig. Oppe på dette skal det byggjast utstillingsrom og toalett, og arbeidet med dette er i gang. Stor gåve frå sveitsisk norgesvenn gjer byggjinga mogleg, det er også tilskot frå Sparebank 1 Lom og Skjåk, fylkeskommunen, regionrådet, Stiftelsen UNI og gåveforsterkingsmiddel frå kulturdepartementet. Gudbrandsdalsmusea skal stå for drift av magasinet, medan det blir stifta eit nytt aksjeselskap som skal få til utstillingar m.m. Ullinsvin AS har same styre som historielaget.



Laget ellers

Frå årsmøtet 14. mars 2018 har styre vore dette:

styreleiar Knut Raastad, nestleiar Dag Aasheim, styremedlemmar Rønnaug Siem Hammer, Even Lusæter og Steinar Løkken, varamedlemmar Elin Grev, Ola Stokstad og Jens Hagen.

Det har i året vore 11 styremøter, og varamedlemmane møter på lik line med styremedlemmane. Laget har 420 medlemmar.

Syver Berge og Sigurd Nestande fekk avløyning etter 11 år som revisorar, nye er Astrid Sandbu og Gunnar Sandbo.

Valnemnd er Einar Hårstad, Anne Silje Berg og Anne Grøslund.

Trond Ole Haug er styremedlem i Gudbrandsdalsmusea as.

Historielaget er medlem i Gudbrandsdal historielag Dølaringen, Ola Grøslund er styremedlem og Knut Raastad er revisor.

Nils Valde styrer heimesida *vaagaa-historielag.org* og skannar og legg ut innsamla gamle bilete. På heimesida er det ei mappe med gards- og slektshistorie.

God oppslutning om frivillige medlemspengar gjer utgjeving av årsskriftet Jutulen mogleg med utsending til alle medlemmane, i tillegg er skriftet utlagt for salg. Historielaget kostar pynting av gravene til Ivar Kleiven, Trond Eklestuen og Jo Gjende.

Pulløybua er bortleigd som anneks til nabohytta. Nordheradsprosjektet disponerer Flåten. Buene ved Gjendeosen har ved fleire høve vore framvist for turistar. Buene vil kunne lånast ut til historielags-medlemmar.

Styret takkar samarbeidspartar og medlemmar i laget for god hjelp og støtte i året 2018.